

19
29. febr.

Til loka febrúarmánaðar 1956 skulu iðgjöld samkv. 112. gr. laga nr. 50 1946, vegna lögskráðra sjómanna, vera sem hér segir:

Á 1. verðlagssvæði	kr. 10.20 á viku.
Á 2. —	— 7.65 — —

6. Iðgjöld samkvæmt 107. og 112. gr. og framlög samkv. 114. og 116. gr. laga nr. 50 1946, sbr. 29. gr. laga nr. 116/1954, og 1. gr. laga nr. 95/1955, skulu innheimt með álagi samkv. vísitölu þeirri, sem upphætur á laun, er ekki fara fram úr kr. 1830.00 á mánuði, miðast við í marzmánuði það ár, sem gjöldin eru á lögð. Iðgjöld vegna lögskráðra sjómanna samkv. 112. gr. laga nr. 50 1946, skulu innheimt með álagi samkv. vísitölu janúarmánaðar, þar til vísitöluálag ársins hefur verið ákveðið.
7. Skirteinagjald samkv. 127. gr. laga nr. 50 1946 ber að greiða með janúargreiðslu iðgjalds og skirteinin eða kvittun því aðeins afhent, að skirteinisgjaldið og janúargreiðslan hafi verið innt af hendi.

Reglugerðarbreyting þessi, sem gerð er samkvæmt lögum nr. 116/1954, sbr. lög nr. 95/1955, um breyting á lögum nr. 50 1946, um almannatryggingar, og viðauka við þau, gengur í gildi þegar í stað.

Jafnframt eru úr gildi felldar auglýsingar nr. 47 frá 11. marz 1955 og nr. 4 frá 7. janúar 1956.

Félagsmálaráðuneytið, 29. febrúar 1956.

Steingrímur Steinþórsson.

Hallgrímur Dalberg.

20
16. febr.

FUNDARSKÖP

fyrir bæjarstjórn Neskaupstaðar.

1. gr.

Bæjarstjórn Neskaupstaðar er skipuð 9 kjörnum bæjarfulltrúum. Þeir ræða og gera ályktanir um bæjarmálefni á bæjarstjórnarfundum. Bæjarstjóri á sæti á bæjarstjórnarfundum með óbundnu málfrelsi og tillögurétti, en ekki atkvæðisrétti, nema hann sé jafnframt bæjarfulltrúi.

2. gr.

Í febrúarmánuði ár hvert kýs bæjarstjórn úr sínum hópi forseta bæjarstjórnar og tvo varaforseta. Sá er rétt kjörinn forseti, er flest atkvæði hlýtur. Fáí tveir eða fleiri jafnmörg atkvæði, skal hlutkesti ráða. Með sama hætti skal kjósa varaforseta. Þeir gegna forsetastörfum í forföllum forseta, eða ef hans missir alveg við, unz nýr forseti er kosinn.

3. gr.

Forseti stjórnar fundum bæjarstjórnar. Hann sér um að allt fari vel og skipulega fram og í góðri reglu og eru bæjarfulltrúar og bæjarstjóri skyldir að hlýta úrskurðum hans um allt, er fundarsköp varðar, en úrskurði hans má skjóta til úrlausnar bæjarstjórnar, ef vafi leikur á um skilning fundarskapa. Forseti sér og um að gerðir bæjarstjórnar séu rétt og skipulega ritaðar í gerðabókina.

4. gr.

Bæjarstjórn kýs hlutfallskosningu úr sínum hópi tvo skrifara og tvo varaskrifara til eins árs á sama fundi og forsetakosning fer fram. Skrifarar skulu telja saman atkvæði, þegar atkvæðagreiðsla fer fram og þegar kjósa skal nefndir eða menn til annarra starfa. Bæjarstjórn ræður og sérstakan skrifara utan bæjarstjórnar. Skál hann bóka greinilega í gerðabókina umræðuefni og ályktanir bæjarstjórnar. Í fundarlok skal fundargerðin lesin upp og undirrituð af bæjarstjóra, forseta bæjarstjórnar og öllum öðrum viðstöddum bæjarfulltrúum. Þó eiga bæjarfulltrúar rétt á að fá ágreiningsatkvæði sín stuttlega bókuð og eins athugasemdir, ef þeir telja eitthvað rangt bókað eða ónákvæmt.

5. gr.

Fundir bæjarstjórnar eru tvenns konar, almennir fundir og aukafundir. Almennir fundir skulu haldnir fyrsta föstudag í hverjum mánuði, nema í júlí og ágúst. Skulu þeir hefjast kl. 4 e. h. og standa meðan dagskrá endist, nema bæjarstjórn samþykki að fresta þeim. Aukafundi skal halda svo oft, sem bæjarstjóra eða forseta bæjarstjórnar þykir þurfa, á þeim stað og stund, sem þeir ákveða. Jafnan skal boða til aukafundar, ef 5 bæjarfulltrúar óska.

6. gr.

Bæjarstjóri semur dagskrá bæjarstjórnarfundar í samráði við forseta. Bæjarstjórn getur breytt röð mála á dagskrá, svo og fellt mál af dagskrá. Hvert það mál, sem nefnd eða bæjarfulltrúi óskar að tekið sé á dagskrá, er skylt að taka á hana. En ekki má taka mál á dagskrá reglulegs bæjarstjórnarfundar, nema brýn nauðsyn krefji, hafi það ekki horizt bæjarstjóra fyrir hádegi daginn fyrir fundardag. Bæjarstjóri skal senda bæjarfulltrúum dagskrá reglulegs bæjarstjórnarfundar sólarhring áður en fundur skal hefjast. Þegar fjárhagsáætlanir, reikningar, frumvörp að reglugerðum eða lögum, eða önnur mikilsverð málefni skulu tekin fyrir, á að fylgja dagskránni afrit eða fullkominn útdráttur af málefninu. Dagskráin skal fest upp á að minnsta kosti tveim stöðum í bænum.

7. gr.

Bæjarstjórnarfundir skulu haldnir í heyranda hljóði. Áheyrendur skulu skyldir til að vera kyrrir og hljóðir og mega hvorki láta í ljósi ánægju sína eða vanþóknun út af því, er á fundi gerist. Brjóti einhver móti þessu, getur forseti látið vísa honum út og, ef þörf gerist, látið ryðja salinn. Bæjarstjóri eða bæjarfulltrúi getur krafizt þess, að mál sé rætt fyrir luktum dyrum og sker bæjarstjórn úr því umræðulaust. Mál, er varða einkalíf manna, skulu jafnan rædd fyrir luktum dyrum. Enginn má skýra frá umræðum eða atkvæðagreiðslu í þeim málum, sem rædd eru fyrir luktum dyrum.

8. gr.

Bæjarfulltrúi, sem vill taka til máls, skal snúa sér til forseta og leyfir hann fulltrúum að taka til máls, venjulega í þeirri röð, sem þeir æskja þess. Þó má hann breyta út af því, er til framsögumanns kemur eða flutningsmanns, svo og til þess, að umræður með og móti málefni, skiptist á, eða til þess að fulltrúar geti gert stutta leiðréttingu eða athugasemd, er snertir sjálfan hann. Biðji margir jafnsnemma um að fá að taka til máls, ræður forseti röðinni.

9. gr.

Flutningsmaður máls eða framsögumaður mega tala þrisvar í hverju máli á sama fundi. Þetta ákvæði nær einnig til forseta, en ekki til bæjarstjóra, sem taka má til máls eins oft og hann vill, en gæta skal hann þó fundarskapa. Forseti getur þó

- 20 leyft bæjarfulltrúa að tala oftari, til þess að bera af sér ámæli, gera stutta fyrirspurn, 16. febr. athugasemd um atkvæðagreiðslu eða gæzlu fundarskapa. Þegar forseti tekur til máls sem bæjarfulltrúi, skal hann víkja úr forsetastóli. Ræðumaður skal standa við sæti sitt meðan hann flytur ræðu sína.

10. gr.

Ræðumaður skal halda sér við umræðuefnið og varast að meiða nokkurn mann eða viðhafa ósæmileg orð. Nú bregður út af þessu og skal þá forseti víta það og nefna ummælin. Ef fulltrúi er vittur tvisvar á sama fundi, má forseti svipta hann málfrelsi á þeim fundi. Ef fundarmaður hlýðnast ekki úrskurði forseta, eða ef almenn óregla kemur upp á fundi, skal forseti fresta fundi um stundarsakir eða slíta, ef honum þykir nauðsyn til bera.

11. gr.

Ræðumaður skal ávallt beina máli sínu til fundarins. Hann má ekki lesa prentað mál, nema með leyfi forseta. Fundarmönnum er skylt að ávarpa hvern annan kurteislega og viðhafa ekki ósæmilegt orðbragð.

12. gr.

Sérhver bæjarfulltrúi hefur rétt til að bera upp tillögur og breytingartillögur við það málefni, sem er til umræðu. Tillögur skulu vera skriflegar, nema forseti telji þess ekki þörf.

13. gr.

Ef umræður dragast um skör fram, getur bæjarstjóri eða hver fulltrúanna stungið upp á því, að þeim sé hætt, og sker bæjarstjórn úr því umræðulaust.

14. gr.

Til þess að bæjarstjórnarfundur sé ályktunarfær, þarf meiri hluti bæjarfulltrúa að vera mættur. Afl atkvæða ræður úrslitum. Séu jafn mörg atkvæði með og móti fellur atkvæðisefnið, nema við kosningar, þá ræður hlutkesti. Skylt er hverjum bæjarfulltrúa að vera viðstaddur og greiða atkvæði, nema að hann hafi lögleg forföll. Nú er haft nafnakall við atkvæðagreiðslu og bæjarfulltrúi greiðir ekki atkvæði og skal hann þá leiða rök að því. Forseti sker úr, hvort rök séu gild tekin, en fulltrúi getur skotið þeim úrskurði undir atkvæði bæjarstjórnar. Enginn má greiða atkvæði með fjárveitingu til sjálfs sín, eða í máli, sem varðar hagsmuni hans sérstaklega. Honum er þó heimilt að skýra málið af sinni hendi. Sker bæjarstjórn úr því umræðulaust, hvort málið er svo vaxið, sem nú var sagt.

15. gr.

Forseti ræður því hvernig atkvæðagreiðslu er skipt og í hverri röð og innra sambandi hún fer fram. Þó getur bæjarstjórn, ef þrír fulltrúar óska þess, breytt ákvörðun forseta. Forseti og framsögumaður mega taka einu sinni til máls áður en til atkvæða er gengið. Krefjast má fulltrúi þess, að atkvæðagreiðslu um tillögu sé skipt.

16. gr.

Nú er mál útrætt og skal þá gengið til atkvæða. Atkvæðagreiðsla fer venjulega þannig fram, að hver fulltrúi réttir upp hægni hönd sína. Nafnakall skal viðhaft, er þrír fulltrúar æskja þess áður en atkvæðagreiðslan fer fram, svo og ef atkvæðagreiðsla þykir óglögg. Við nafnakall greiðir forseti síðastur atkvæði.

17. gr.

Auk fastra nefnda, sem bæjarstjórn kýs, hefur hún rétt til að setja nefnd í hvert mál, sem er á dagskrá. Allar nefndir skal kjósa skriflega og leynilega, nema allir bæjarfulltrúar séu sammála um annað.

18. gr.

Sá, sem flest atkvæði fær í nefnd, eða er elztur, ef fleiri fá jafnmörg atkvæði, kveður nefndin saman í fyrsta skipti og lætur kjósa formann. Boðar hann síðan nefndarfundi og annast framkvæmdir nefndarinnar. Um leið og nefnd lýkur starfa sínum í máli, kys hún framsögumann. Klofningur nefndar hefur framsögurétt.

20

16. febr.

19. gr.

Skyldur er hver bæjarfulltrúi að taka á móti kosningu í nefnd.

20. gr.

Bæjarstjóri sér um afgreiðslu allra mála samkvæmt ályktun bæjarstjórnar og framkvæmd á öllum þeim málum, sem ekki eru falin einstökum fulltrúum eða nefndum.

21. gr.

Afbrigði frá fundarsköpum þessum getur bæjarstjórnin gert í einstökum tilfellum, þegar nauðsyn þykir til bera, ef það er samþykkt af tveim þriðju viðstaddra bæjarfulltrúa.

22. gr.

Til að gera breytingu á fundarsköpum þessum þarf tvær umræður í bæjarstjórn og staðfestingu stjórnarráðsins.

Fundarsköp þessi, sem bæjarstjórn Neskaupstaðar hefur samið og samþykkt, staðfestast hér með samkvæmt lögum nr. 48 7. maí 1928 til þess að öðlast gildi þegar í stað, og jafnframt eru úr gildi numin fundarsköp fyrir bæjarstjórn Neskaupstaðar, nr. 44 16. apríl 1929.

Félagsmálaráðuneytið, 16. febrúar 1956.

F. h. r.

Hjálmar Vilhjálmsson.

Helgi Helgason.

Stjórnartíðindi 1956, B. 4.

Bréf ríkisendurskoðunarinnar til Dráttarvélar h.f., Reykjavík, er varðar tollun á vöxtum.

21
2. marz

Með bréfi, dags. 8. f. m., spyrjist þér fyrir um það, hvort taldir skuli í tollverði dráttarvéla 3% vextir, sem seljandi dráttarvéla tók vegna greiðslufrests, sem hann veitti yður á greiðslu andvirðisins.

Ef athuguð eru ákvæði 10. og 14. gr. tollskrárlaga má það vera ljóst, að ætlast er til, að hið almenna útflutningsverð, að minnsta kosti, sé innifalið í tollverði vöru, en þó að í verði vörunnar í útflutningslandinu sé kostnaður, sem undir venjulegum kringumstæðum myndi ekki vera talinn í almennu útflutningsverði, t. d. vextir, sem eru teknir vegna greiðslufrests, er engin heimild til að sleppa slíkum aukakostnaði, og skal hann því talinn í tollverði vörunnar. Vaxtagreiðslan, sem yður var reiknuð á vörureikningnum, sem þér getið um, hefur því réttilega verið talin í tollverðinu, sem þér greidduð verðtoll af.